



Devoción e relixiosidade popular

Rubén Aramburu Molet¹

No ano 1906 na parroquia onde vivo, no Concello de Bergondo, realizouse unha misión a cargo de dous xesuítas que deixaron testemuño do vivido:

A propósito de bruxerías: en la iglesia de Santa Marta, para curar el mal de ojo, enfermedades, etc. vienen en ayunas de muchas leguas, dan no sé cuántas vueltas alrededor de la iglesia, muerden (sic) un clavo gordo que hay en la puerta y, tumbándose y comiendo luego en grande, creen que quedan sanos.

Se les refutaron todas estas boberías y en ordenada procesión descendimos del monte, dando por terminada la santa misión².

Recolle o testemuño o amigo Manuel Cabada, xesuíta, investigador e profesor universitario, facendo certa crítica á falta de comprensión cultural daqueles misioneiros. Emilia Pardo Bazán, veciña de Meirás, escribía anos antes na revista *Blanco y Negro* sobre estes costumes desenvolto na Romaría de Santa Marta de Babío contando cousas semellantes aos xesuítas.

Esta Romaría como tantas outras en Galicia celébrase no cumio dun monte, que é o punto máis alto das Mariñas. Era a típica romaxe tradicional: milleiros de asistentes que viñan desde moitos lugares, subían o monte, asistían á misa e cumprían unha serie

1 Párroco da Unidade Pastoral do Divino Salvador de Bergondo.

2 MANUEL CABADA CASTRO. *Crónica de un encuentro-desencuentro cultural. Análisis antropológico de las misiones populares jesuíticas en Galicia*. Universidad Pontificia de Comillas. Madrid, 2015.